

Headlines

- 1 राष्ट्र अज्ज 78मां स्वतंत्रता दिवस मना'रदा ऐं प्रधानमंत्री नरेन्द्र मोदी होरें लाल किले दे कोठे परा राष्ट्रीय झंडा चाढ़ेआ।
- 2 उपराज्यपाल मनोज सिन्हा होरें आखेआ ऐ जे गोआंढी देश दे जम्मू कश्मीर च आतंकवादी मंसूबें गी कदें बी कामयाब नेई होन दित्ता जाग।
- 3 आईपीएस अधिकारी नलिन प्रभात होरें गी जम्मू कश्मीर पुलस दे विशेष महानिदेशक दे तौर पर नियुक्त कीता गेआ। ओह 30 सितम्बर थमां नमें डीजीपी दा औहदा सांभगन।
- 4 प्रधानमंत्री मोदी होरें आखेआ ऐ जे 2036 आलंपिक्स खेड्डें दी मेजबानी दी भारत दी कोशश ऐ ते एहदे लेई तैआरियां जारी न।
- 5 रक्षामंत्री राजनाथ सिंह होरें जम्मू कश्मीर च आतंकवादिएं खलाफ सख्त कारवाई लेई आखेआ ऐ।

<><><><><><>

PM-I Day

प्रधानमंत्री नरेन्द्र मोदी होरें इतिहासक लाल किले पर तिरंगा झंडा चाढ़ेआ ते गार्ड ऑफ ऑनर दा निरीक्षण कीता। अपने भाषण च प्रधानमंत्री होरें आखेआ जे राष्ट्र हर इक शहीद दा कर्जदार ऐ ते म्हेशां उंदा आभारी रौहग। उनें आखेआ जे अज्ज देश दी हिफाजत करने आली महान हस्तिएं गी सलाम करने दा मौका ऐ, जिनें पूरे समर्पन कन्नै देश दा निर्माण कीता ते इसी नमीं उंचाइं तोड़ी पजाया। मोदी होरें आखेआ जे मुख्य स्वतंत्रता सैनानिएं दा कर्जदार ऐ की जे इनें सब्बने गी खुल्ली हवा च साह लैने दा अधिकार दित्ते दा ऐ। प्रधानमंत्री होरें आखेआ जे उंदा सरकार नै "वोकल फॉर लोकल" दा मंत्र दित्ता हा। उनें खुशी जाहर कीती जे वोकल फॉर लोकल नमां मंत्र बनी गेदा ऐ ते हर इक जिला अपने उत्पादन गी लेइयै शान मसूस करा करदा ऐ। प्रधानमंत्री होरें भरोसा जताया जे जेकर 140 करोड़ लोक धेइया करी लैन ते इक दिशा बक्खी किट्टे होइयै चलगन तां सब्बने अडचने गी पार करदे होई भारत 2047 तोड़ी विकसित भारत बनी जाग।

<><><><><><>

PM-World Leaders

प्रधानमंत्री नरेन्द्र मोदी होरें अज्ज स्वतंत्रता दिवस पर मुबारकबाद देने आले दुनिया भरै दे नेताएं दा धन्नबाद कीता। इक सोशल मीडिया पोस्ट च उनें मालदीव दे राष्ट्रपति डॉ. मोहम्मद मुइजू ते फ्रांस दे राष्ट्रपति मैक्रा हुंदे आस्सेआ शुभकामनां देने पर धन्नबाद कीता। इनें देशें कन्नै दपक्खी सरबंधें दी सराहना कीती। उनें मनुक्खता दे फायदें लेई रलियै कम्म करने दे महतव गी उजागर कीता। प्रधानमंत्री होरें नेपाल ते भूटान दे अपने समकक्षें ते दोस्तें नेताएं दा बी धन्नबाद कीता।

<><><><><><>

I Day Celebration

उपराज्यपाल मनोज सिन्हा होरें अज्ज आखेआ जे यूटी प्रशासन ते सुरक्षाबल कदें बी जम्मू कश्मीर च आतंकवाद फ़ैलाने दी गोआंढी देश दी कोशश गी कामयाब नेई होन देंगन। उनें आखेआ जे जम्मू प्रांत दे लोक, इलाके थमां आतंकवादिएं गी मकाने लेई सुरक्षाबलें दी मदद जरूर करन। 78में स्वतंत्रता दिवस पर बक्खी स्टेडियम श्रीनगर च लोकें गी संबोधत करदे होईउपराज्यपाल होरें आखेआ जे गोआंढी देश आस्सेआ जम्मू कश्मीर च आतंकवाद परतियै सक्रिय करने दी कोशश कीती जा'रदी ऐ। जम्मू वासिएं दी सराहना करदे होई उनें आखेआ जे लोकें कदें बी आतंकवाद दा सैहयोग नेई कीता ते सुरक्षाबल जम्मू कश्मीर थमां आतंकवाद ते आतंकवादी नेटवर्क गी खत्म करने लेई वचनबद्ध न। हाल च गै जम्मू इलाके च आतंकवादी हमलें च तेजी आई ऐ ते सुरक्षाबलें गी जानी नुकसान होआ'रदा ऐ। कल अससर डोडा च सेना दा कैप्टन शहीद होआ ते टाकरे

MHA-ECI

सूत्रे दस्सेआ ऐ जे केन्द्री गृह मंत्रालय नै कल भारतीय चुनां कमीशन गी एह् भरोसा दित्ता ऐ जे जम्मू कश्मीर च औंदे विधानसभा चुनाएं लेई लोडचदी सुरक्षा उपलब्ध कराई जाग। भारतीय चुनां कमीशन नै केन्द्री गृह सचिव अजय भल्ला हुंदे कन्नै इक मीटिंग लाई ऐं इस मीटिंग दरान जम्मू कश्मीर च 2019 दे मगरा होने आले पैहले विधानसभा चुनाएं लेई लोडचदी सुरक्षा बवस्था बारे सोच बचार कीता गेआ। सूत्रे दस्सेआ ऐ जे गृह मंत्रालय नै चुनाएं लेई लोडचदे केन्द्री नीम फौजी बलें गी तैनात करने अपनी तैआरी बारे दस्सेआ। केन्द्र शासत प्रदेश च होने आले चुनाएं लेई नीम फौजी बलें दियां 600 कंपनियां तैनात कीतियां जाई सकदियां न।

<><><><><><>

I Day-Division(byte)

देश दे होरने हिस्से आला लेखा पूरे जम्मू संभाग च 78मां आजादी आला ध्याड़ा देशीकित दे जज्बे ते उत्साह कन्नै मनाया गेआ। कड्डुआ च मुख्ख समारोह् स्पोर्टस स्टेडियम च होआ जित्थें डीडीसी दे अध्यक्ष मोहन सिंह होरें झंडा चाढ़ेआ ते परेड दी सलामी लैती। इस मौके पर मोहन सिंह होरें आखेआ

किश्तवाड़ च डीडीसी दी अध्यक्षता पूजा ठाकुर होरें राश्ट्री झंडा चाढ़ेआ ते सलामी लैती। उनें देश दी आजादी च स्वतंत्रता सैनानिएं दे बलिदान गी चेता कीता। पुंछ जिले च भारी बरखा दे बावजूद सवतंत्रता दिवस बड़े जोश ते राश्ट्रीय भावना कन्नै मनाया गेआ। मुख्ख समारोह् पुंछ दे स्पोर्टस स्टेडियम च होआ, जित्थें डीडीसी दे अध्यक्ष तजीम अख्तर होरें राश्ट्रीय झंडा चाढ़ेआ ते परेड दी सलामी लैती। इस मौके पर उनें आखेआ

उधमपुर च मुख्ख प्रोग्राम जागतें दे पी.जी.कालेज च लग्गा। उधमपुर दे डीडीसी अध्यक्ष लाल चंद होर मुख्ख परौहने दे तौर पर शामिल हे। सांबा जिले च मुख्ख प्रोग्राम रानी सुचेत सिंह खेड्ड मैदान च लग्गा। सांबा दे डीडीसी अध्यक्ष केशव दत्त शर्मा होरें तिरंगा झंडा चाढ़ेआ ते परेड दी सलामी लैती। इस मौके पर उनें आखेआ

डोडा जिले च बी बक्ख-बक्ख थाह्रें आजादी आले ध्याड़े दे सरबंघै च प्रोग्राम लोआए गे। मुख्ख कार्यक्रम खेड्ड मैदान च होआ, जित्थें जिला विकास बोर्ड दे अध्यक्ष धनतर सिंह होरें झंडा चाढ़ेआ। रियासी जिले च स्वतंत्रता ध्याड़े पर जिले दे डीडीसी दे अध्यक्ष सराफ सिंह नाग होरें राश्ट्री झंडा चाढ़ेआ। इस मौके पर उनें आखेआ

<><><><><><>